



Broj:05-03/02-1-14-993/16

Dana:26.09.2016.g.

Na osnovu člana 69. stav 2. tačka d) i člana 70. st.1, 4. i 6. Zakona o javnim nabavkama („Sl. glasnik BiH“, broj 39/14), i člana 17. Zakona o unutrašnjim poslovima Unsko – sanskog kantona („Službeni glasnik USK“ broj: 1/97, 1/02, 6/02 i 8/02), na preporuku Komisije za javnu nabavku broj: 05-01/03-14-993/16 od 22.09.2016. godine, u postupku sukcesivne nabavke **nafte i naftnih derivata (dizel i benzin) za potrebe MUP-a USK-a za 2017.godinu** ministar Ministarstva unutrašnjih poslova je donio:

ODLUKU

o poništenju postupka sukcesivne nabavke nafte i naftnih derivata za 2017.godinu

Član 1.

Prihvata se preporuka Komisije za javne nabavke, broj: 05-01/03-14-993/16 od 22.09.2016. godine o poništenju postupka sukcesivne nabavke nafte i naftnih derivata za 2017. godinu iz razloga što nijedan od ponuđača nije dostavio OPC obrazac ovjeren od strane Federalnog ministarstva trgovine na dan objave obavještenja o nabavci na portalu javnih nabavki, što je izričito traženo u tenderskoj dokumentaciji pod stavkom 8. koja se odnosi na tehničku specifikaciju Ministarstva unutrašnjih poslova USK-a.

I u slučaju nabavke nafte i naftnih derivata za 2017.godinu Komisija za javne nabavke ugovornog organa dala je preporuku za poništenje postupka predmetne nabavke zbog identičnih razloga jer niko od ponuđača nije dostavio ovjeren OPC obrazac ovjeren od strane Federalnog ministarstva trgovine na dan objave obavještenja o nabavci na portalu javnih nabavki, te je ugovorni organ, rukovodeći se, između ostalog i Rješenjem URŽ broj: JN2-03-07-1-780-8/16 od 01.09.2016.godine, donio Odluku o poništenju postupka nabavke nafte i naftnih derivata za 2017.godinu

Član 2.

Ova odluka objavit će se na web-stranici MUP-a USK-a Bihać (www.mupusk.gov.ba) istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 3.

Ova odluka stupa na snagu danom donošenja, i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

OBRAZLOŽENJE

Postupak javne nabavke pokrenut je Odlukom o pokretanju postupka javne nabavke broj:05-03/02-14-993/16 od 13.06.2016.godine.

Javna nabavka je sprovedena putem otvorenog postupka, a procijenjena vrijednost iznosi do 340.000,00 KM bez PDV-a.

Komisija za javne nabavke je dana 14.07.2016.g. dostavila Zapisnik sa otvaranja ponuda od 13.07.2016.godine, Zapisnik o ocjeni ponuda broj: 05-01/03-14-993/16 od 14.07.2016.godine, i Preporuku o poništenju postupka javne nabavke broj: 05-01/03-14-993/16 od 14.07.2016.godine na osnovu čega je dana 14.07.2016.godine ministar Ministarstva unutrašnjih poslova donio Odluku o poništenju postupka nabavke broj:05-03/02-14-993/16.

U Zapisniku sa otvaranja ponuda utvrđeno je da je Komisija za nabavke blagovremeno izvršila otvaranje ponuda i ocjenu prispjelih ponuda o čemu je sačinila odgovarajuće zapisnike u kojima je utvrđeno da je broj pristiglih ponuda tri, da su sve tri ponude blagovremene, ali da niti jedna ponuda nije prihvatljiva.

Nadalje, u postupku ocjene provedenog postupka, Komisija za nabavke ugovornog organa nije našla druge formalno pravne razloge, nepravilnosti niti propuste u radu koji bi eventualno pružao osnov za neprihvatanje zaprimljenih ponuda ponuđača, odnosno Komisija za nabavku ugovornog organa je propustila ocijeniti valjanost i prihvatljivost dostavljenih ponuda na način kako je to traženo u tenderskoj dokumentaciji.

Na osnovu naprijed navedenog Odlukom o poništenju postupka nabavke broj: 05-03/02-14-993/16 od 14.07.2016.g. konstatirano je da se poništava postupak sukcesivne javne nabavke nafte i naftnih derivata za 2017.godinu iz razloga što nijedna od primljenih ponuda nije prihvatljiva - član 69.stav 2. tačka d) Zakona o javnim nabavkama.

Iz tih razloga u postupku koji je prethodio ocjenjivanju zaprimljenih ponuda, Ugovorni organ je pogrešno utvrdio da je Komisija u svemu pravilno postupila, kao i to da je preporuka o poništenju postupka nabavke data u skladu sa Zakonom o javnim nabavkama, podzakonskim i internim aktima i tenderskim dokumentom Naime, u tom postupku predmetne nabavke je utvrđeno da nijedna od primljenih ponuda nije prihvatljiva, iz razloga što niko od ponuđača nije dostavio OPC obrazac ovjeren od strane Federalnog ministarstva trgovine na dan objave Obavještenja o nabavci na portalu javnih nabavki, što je traženo u tenderskoj dokumentaciji pod stavkom 8. koja se odnosi na tehničku specifikaciju, čime su se stekli zakonski uslovi za poništenje postupka javne nabavke, kako je to pogrešno utvrdila Komisija za nabavke ugovornog organa.

Dana 25.07.2016.g. Ministarstvo unutrašnjih poslova je putem pisarnice zaprimilo žalbu ponuđača „Čavkunović- BP“ d.o.o. Bihać i dana 27.07.2016.g. žalbu ponuđača „Hifa-Petrol“ d.o.o. Sarajevo-Izjavljena žalba je blagovremena, dopuštena i izjavljena od strane ovlaštene osobe.

Imajući u vidu žalbene navode žalitelja, pazeći po službenoj dužnosti i na druge razloge koji mogu biti odlučujući za ovaj žalbeni postupak, Ugovorni organ je pristupio razmatranju žalbe i izvršio analizu svakog dokaza posebno kao i svih dokaza zajedno, kao i analizu cjelokupnog postupka i tenderske dokumentacije, i utvrdio slijedeće:

Ugovorni organ je pripremio tendersku dokumentaciju u skladu sa Zakonom o Javnim nabavkama i podzakonskim aktima i u tenderskoj dokumentaciji dao potpune informacije o uslovima kvalifikacije ponuđača i postupku dodjele ugovora.

a) Navodi iz tačke 1. Žalitelja su osnovani, jer su dostavljeni traženi dokazi -OPC obrazac koji je u primjeni na dan 21.06.2016.godine od strane ponuđača „Petrol-P“ d.o.o Bihać, ponuđača „Čavkunović-BP“ d.o.o. i ponuđač „Hifa-Petrol“ d.o.o. Sarajevo.

Ugovorni organ izvršio je ponovni uvid u sve ponude i ocjenu prispjelih ponuda, i utvrdio sljedeće:

- da je ukupan broj pristiglih ponuda 3 (tri);
- da su blagovremeno zaprimljene 3(tri) ponude;
- da je ponuda ponuđača „Hifa-Petrol“ d.o.o. Sarajevo“ prihvatljiva;
- da su neprihvatljive ponude ponuđača „Petrol-P“ d.o.o Bihać „Čavkunović-BP“ d.o.o. Bihać

Ugovorni organ je izvršio uvid u sve ponude i kvalifikovanost ponuđača u skladu sa kriterijima iz tenderske dokumentacije, i utvrdio da je jedino prihvatljiva ponuda „Hifa-Petrol“ d.o.o. Sarajevo, koji ispunjava zahtjeve ugovornog organa tražene u tenderskoj dokumentaciji i ugovorni organ dodjeljuje ugovor istom kao najpovoljnijem ponuđaču za isporuku nafte i naftnih derivata za 2017.godinu, te donio Odluku o usvajanju žalbi-otvoreni postupak, broj:05-03/02-14-993/16 od 08.08.2016.godine.

U pravnoj stvari postupka javne nabavke, na Odluku o usvajanju žalbe broj: 05-03/02-14-993/16, od dana 08.08.2016.godine, u otvorenom postupku nabavke nafte i naftnih derivata (dizel i benzin) za 2017.godinu prema obavještenju o nabavci broj: 709-1-1-393-22/16 godine, dana 18.08.2016.godine zaprimljena je žalba ponuđača „Čavkunović-BP“ d.o.o. Bihać, zbog:

Pogrešno i nepotpuno utvrđenog činjeničnog stanja,

Pogrešne primjene materijalnog prava i

Povrede odredaba Zakona o javnim nabavkama BiH i Zakona o upravnom postupku

BiH

Na osnovu člana 100. Stav 3. Zakona o javnim nabavkama („Službeni glasnik Bosne i Hercegovine“ broj:39/14), člana 17. stav 3. tačke 7. Zakona o unutrašnjim poslovimaUSK-a („Službeni glasnik USK-a br. 1/97, 1/02, 6/02,8/02) rješavajući u postupku po žalbi ponuđača „ČAVKUNOVIĆ-BP“ d.o.o. Bihać u postupku sukcesivne nabavke nafte i naftnih derivata za 2017. godinu objavljenog na portalu Javnih nabavki pod brojem: 709-1-1-39-3-22/16 od 21.06.2016.g., ministar Ministarstva unutrašnjih poslova je donio R j e š e n j e broj:05-03/02-14-993/16 od 31.08.2016.godine, kako slijedi:

1. Žalba je djelimično osnovana jer je ugovorni organ utvrdio da ponuđač „ČAVKUNOVIĆ-BP“ d.o.o. Bihać zadovoljava kriterije iz tenderske dokumentacije u dijelu koji se odnosi na Obrazac za cijenu ponude Anex 3, a zbog čega je Odlukom broj: 05-03/02-14-993/16 od 08.08.2016.godine njegova ponuda bila proglašena neprihvatljiva.

2. Stavlja se van snage Odluka o usvajanju žalbe-otvoreni postupak, broj: 05-03/02-14-993/16 od 08.08.2016.godine.

3. Nalaže se Komisiji za javne nabavke ugovornog organa da izvrši ponovnu ocjenu svih ponuda u postupku javne nabavke nafte i naftnih derivata za potrebe MUP-a USK-a za 2017.godinu.

Postupajući u skladu s prednjim Rješenjem Komisija za javne nabavke MUP-a USK je dana 22.09.2016.godine, ostvarila ponovni uvid u dostavljenu dokumentaciju te

konstatovala da ponuđači ne zadovoljavaju kriterije koji su utvrđeni u tenderskoj dokumentaciji, odnosno ne ispunjavaju zahtjeve ugovornog organa.

U stavci 8. tenderske dokumentacije navedeno je da traženo gorivo mora zadovoljavati standarde u skladu sa odlukom o kvaliteti tečnih goriva koji se primjenjuju u BiH. Kao dokaz traži se da ponuđači dostave Uvjerenje o kvaliteti goriva za 2016.godinu i OPC obrazac ovjeren od strane Federalnog ministarstva trgovine na dan objave obavještenja o nabavci na portalu javnih nabavki. Kako nijedan od ponuđača nije dostavio traženi dokaz odnosno OPC obrazac ovjeren na dan objave obavještenja, Komisija je konstatirala da ponuđači ne zadovoljavaju uvjete koji su traženi tenderskom dokumentacijom.

Na osnovu utvrđenog činjeničnog stanja, odlučeno je kao u članu 1.ove Odluke.

Pouka o pravnom lijeku

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke.

Dostaviti:

- „Čavkunović-BP“ d.o.o. Bihać, Banjalučka bb,77000 Bihać;
- „Hifa-Petrol“ d.o.o. Sarajevo,Hotonj bb Vogošća 71000 Sarajevo;
- „Petrol-P“ d.o.o Bihać, Zaobilaznica bb, 77000 Bihać;
- Komisiji za javne nabavke MUP-a USK-a,n/r predsjednika;
- a/a

Ministar

Ervin Bibanović